

Die Eikestadwinkel,

(Edms. Bpk.)
is verlede jaar opgerig deur Maties vir die gerief en welvaart van Maties. Kom raadpleeg ons in verband met al u benodighede en u sal

BESPAAR!

- Ons hersnaar en herstel Rakette.
- Ons het een van die beste droogskoonmaak-agent-skappe in die land.

DIE Matie

STELLENBOSSE STUDENTEKOERANT.
ORGAAN VAN A.N.S.-TAK.

VILJOEN

se

FIETSWINKEL

heet al die nuwe studente sowel as die oue 'n baie hartlike

WELKOM!

Fietse en Fietsparte in voorraad.

Onthou: Net langs Suikerbossie.

Gedruk deur Pro Ecclesia-Drukkery en uitgegee deur die A.N.S.-Tak Stellenbosch

DEEL II, No. 4.

VRYDAG, 20 MAART 1942.

PRYS 1d.

Weg met die Partystelsel

A.N.S. MOET LEIDING GEE OP IDEOLOGIESE GEBIED

O.B. Staan Vir Nuwe Bedeling

„Dit is die taak van die studente om die nuwe staatsidee te ondersoek en leiding op die gebied te gee. Om die rede is dit goed dat die studente georganiseer is in die A.N.S., maar die studente moet ook in noue kontak wees met die res van die volk en om hierdie rede is dit goed dat hulle saamgeskakel is met die O.B.,” het Dr. van Rensburg, Kommandant-Generaal van die O.B. en ere-President van die A.N.S., voor 'n volgepakte stadsaal verklaar, by geleentheid van die openingsvergadering van die O.B.-A.N.S.-studente front.

Die Stellenbosse stadsaal het nog nooit so 'n luisterryke vertoning gemaak soos Saterdagmiddag. Die saal was van kant tot kant behang met O.B.-vlae en baniere, terwyl 'n groot A.N.S.-wapen sierlik geplyk het teen die agtergrond van die swart ferweelgordyne op die verhoog. Toe die kleure op indrukwekkende wyse die saal binnegedra is, het die ingetoe geesdrif 'n atmosfeer van besondere spanning geskep.

ANTI-LIBERALISTIESE FRONT

Mnr. W.A. Joubert, Leier van die A.N.S.-tak en Hoof-Kommandant van die studente O.B.-kommando's, het die groot en geesdriftige gehoor welkom geheet. Hy het o.a. verklaar dat die A.N.S. staan vir volksorganisasie, d.w.s. 'n organisasie van die volk volgens beroepe. In so 'n organisasie sal die studerende jeug ook georganiseer wees om sy spesifieke deel by te dra; A.N.S. wat juis so 'n organisasie is sal derhalwe saamwerk met enige volksbeweging wat homdieselfde doel stel. Plaaslik het die A.N.S.-tak en die studente kommando's tot 'n mate saamgeskakel in 'n anti-liberalistiese studentefront om koördinasie van werksaamhede te verkry.

Dr. van Rensburg is langdurig toegejuig toe hy opgestaan het om met sy toespraak te begin. Hy het daarop gewys dat die O.B. en sy leiding in die hitte van die geveg staan en dus nie tyd het om aandag te gee aan die stryd op die ideologiese front nie. Dit is die taak van die studente. „Die stryd snel nou ten einde,” het

dr. van Rensburg verklaar, „'n Nuwe boekdeel in die wêreldgeskiedenis word geskrywe, ook in Suid-Afrika. En in Suid-Afrika gaan dit oor die derde Republiek. Die eerste kapittel hiervan sal wees, „die O.B.” Die ou stelsel sak in duie oor die hele wêreld; orals word die nuwe bedeling gesien. In Italië het hierdie verjonging as simbool die fasces, in Duitsland die hakekruis, in Spanje is daar die Falangiste, en in Suid-Afrika die Ossewabrandwag. Die O.B., as 'n vegter vir die nuwe bedeling, is nie Nazi-isties nie, maar dit is seker nie anti-Duits nie.

O.B.-RIGTING

„Die Ossewabrandwag is nie 'n politieke party met 'n program van aksie nie, maar 'n beweging met 'n siel en rigting. Die rigting is 'n partylose Republiek waarin die geldmag verbreek is,” aldus dr. van Rensburg. Die O.B. is teen die Parlementarisme van die ou orde en dus ook teen die partystelsel. Belangrike redes hiervoor is die feit dat die partystelsel nog nêr daarin geslaag het om die Afrikaner te verdeel, en omdat dit hand aan handgaan met die kapitalisme. „Ons wil die Afrikaner eer as Afrikaner, en nie as 'n appendiks van 'n geldsak nie,” het hy verklaar. Omdat die O.B. teen Parlementarisme, en dus ook teen die partystelsel is, het hy die vyandskap van die party op die hals gehaal.

Die O.B. eis vrede en vryheid. Elke O.B.-lid sal getrou bly aan sy eed om 'n brug te bou na die nuwe ordening. Elkeen sal sy plig doen, maar wat die uitkoms daarvan sal wees berus by 'n hoër Hand. „Ons sal getrou bly aan ons eed buite die tronk, binne die tronk en dwarsdeur die tronk,” het dr. van Rensburg ten slotte onder daverende toejuiging gesê.

„Dit moet 'n republiek wees waarin die volk waaragtig vry is. Dit moet 'n staat wees wat in die volste sin van die woord Christelik-Nasionaal is. Daar mag geen oorheersing van die volk wees deur die geldmag wat vandag Suid-Afrika uitsuig nie. Die rykdom van die land moet vloei oor die breë akkers van die volkslewe en nie in die sak van 'n klompie kapitaliste nie. Die euwels van die huidige party-politieke stelsel moet verwyder word! Die volk en nie 'n klompie plutokratiese draadtrekkers nie, moet die gesag voer.” (Uit die toespraak van wyle dr. N. J. van der Merwe voor die groot volksvergadering om 'n republiek te eis, te Bloemfontein; soos deur „Die Burger” van 22 Julie 1940 gerapporteer.)

Plate-program

Sondagmiddag om 8.30

Die Musiekverenigingbestuur wens apologie aan te teken dat verlede Sondagmiddag se plateprogram nie plaasgevind het nie weens 'n misverstand waarvoor ons gee beheer gehad het nie.

O.B.-Vergadering

Alle studente van die O.B. moet Maandagmiddag, 23 Maart, om 7.30 in die Hoofgebou wees vir 'n vergadering van die studentekommandos.

Ook persone wat nog van plan is om by die O.B. aan te sluit, word versoek om teenwoordig te wees.

Die program vir hierdie week sal dié een wees wat in verlede week se „Matie” aangekondig is, nl.:

„Oberon” Overture
(C. M. von Weber).
„Schlafendes Jesuskind”
(Hugo Wolf).
Violkonsert in D groottert
(Beethoven).

Versoeke vir die Sondagmiddag-programme kan by lede van die bestuur ingelewer word.

Eerste Vullengteprent

Raro Maak Geskiedenis

Vrydag, 20 Maart 1942, sal vir ewig 'n rooiletterdag in die geskiedenis van die RARO-tak op Stellenbosch wees, want hulle eerste rolprent, die veelbesproke, „In Stellenbosch Bloei weer die Bome” word dan aan die publiek bekend gestel.

Net soos die lied „In Stellenbosch Bloei Weer Die Bome” 'n ware juweeltjie in ons Afrikaanse musiek album is so sal die rolprentjie wat op die lied gebaseer is ook 'n juweeltjie in die album van ons Afrikaanse Filmbedryf wees.

Die Rolprent begin met 'n uitbeelding van die vaal droewige winter met 'n aanhoudende gedrup-drup van de reën tot dit skielik oorslaan na tonele in volle kleur, tonele wat leef en wat spreek van die uitbundige vreugde van 'n skone lente.

Sulke tonele veral soos die van die wonderlike rooi roos afgebeeld teen ons helder blou lug, die lug wat alleen aan Afrikaanse Veld eie is sal nooit uit ons geheue gewis word nie.

RARO, ons is trots op julle veral nou dat julle aan ons getoon het watter natuurskoon ons daaglik omring maar veral dat julle getoon het watter moontlikhede Stellenbosch bied in die rigting van die Afrikaanse Filmbedryf.

Ons is ons volle steun aan julle verskuldig nie net deur die feit dat julle eersteling so 'n groot advertensie-waarde het ten opsigte van ons Eikestad nie maar veral ten opsigte van ons Alma Mater.

PROGRAM

Die program vir die aand bestaan verder uit:

„Swartland se Goud,” 'n rolprent wat handel oor die koringbedryf.

„Om en by Grote Schuur.” Die naam verduidelik alreeds dat dit 'n afbeelding is van die pragtige blomme by Groote Schuur.

„Kaskenades op 'n Kerkhof” ons eerste kort lagprentjie.

dan volg die prent waarna ons almal al uitgesien het, nl. „Newels oor Mont-Aux-Sources.” Dr. Hans Rompel het alreeds beroemdheid verwerf deur sy artikels en kritiek oor die rolprent, nou het hy egter ook sy spore as regisseur verdien. Newels oor Mont-Aux-Sources is die eerste vollengte speelprent wat deur RARO gemaak is en regverdig ten volle die koste en veral die moeite daaraan bestee.

ONDERSTEUN ONS BLAD

Welkom

Hartlik welkom, dames en here studente, by die

SUIKERBOSSIE

en die Universiteit van Stellenbosch. Lank mag julle lewe om 'n lekker koppie koffie saam met julle vriende te kan geniet by

DIE HOOFKWARTIER
VAN GESONDHEID.

Goeie Raad!

Vir Netjiese Drukkery en ander Skryfbehoeftes

Besoek

DOWSON

Ons Staf tot U Diens.

SPESIALE AANBOD

Maties hier is u kans om nog 'n Goedkoop Sportsbaadjie te koop. Geruite- en Ege Kleur Sportsbaadjies teen die ou Prys van 45/6, 47/6, 53/11.

Ons sal nie weer in staat wees om dieselfde waarde aan u te verskaf nie, sorg dus dat u een koop voor ons voorrade uitgeput is.

GEBROEDERS DE WET (EINS.) PBK.

Bus 21.

BIRDSTRAAT, STELLENBOSCH.

Foon 20.

Maties!...die gewilde afsaalplek...
die Kaapstadse Koffiehuys
Wandeling,
Grootte Kerkgebou,
KAAPSTAD
(Foon 3-0520)
'n Ou Tradisie herlewe!
Na 'n besige dag in die stad—
rus en smaaklike etes in die
KOFFIEHUIS.

R. MÜLLER
EERSTÊ vir KLAVIERE, VLEUELS,
ORRELS.
Alle ander soorte
MUSIEKINSTRUMENTE, MUSIEKALE
BENODIGHEDE, DRAADLOOSTOE-
STELLE EN GEDRUKTE MUSIEK.
WAPENS, AMMUNISIE, ens.

R. MÜLLER
(Eiens.) Bpk.
KAAPSTAD en STELLENBOSCH.

Tel. 2-1944. Posbus 2667.
R. W. van Rijn,
BRILMAKER.
Kamers 501-520 Vyfde Verdieping
Grootte Kerkgebou,
KAAPSTAD.
Laat u brilvoorskrif deur my voltoot
word. Maak u keuse uit 'n groot
verskeidenheid van moderne rame.
Spesiale afslag vir Studente.

MATIES!
BRINK en VAN AARDE,
die Studente
HAARKAPPERS
(net langs Suikerbossie)
lewer die beste dienste aan
Studente.
Ondersteun Hulle!!!

IN DIE OU WINKEL VAN
DIE C.S.V.
UITVERKOPING
van
OPVOEDKUNDIGE
BOEKE
Teen
**HALFPRYS EN
MINDER
AS HALFPRYS**
PAS ONTVANG.
Day: Economic Development
of Modern Europe.
C.S.V.-
BOEKHANDEL,
Pleinstraat,
STELLENBOSCH.
Groot Voorraad
„PENQUIN” en „PELICAN”
Series Voorhande.

DIE MATIE
Hoofredakteur: A.N.S.-Taksleier.
Redakteur: P. A. Theron.
Ass.-Redakteur: B. J. v. d. S. de
Villiers.
Besigheidsbestuurder: S. P. Botha.
Spesiale Medewerkers: D. G.
Franzsen, W. R. Laubscher.
Deel II. 20 Maart 1942. No. 4.

**Stellenbosch as
Afrikaner - Universiteit**

Teen die huidige ontwikkelingsstem-
po van die Universiteit van Stellen-
bosch is dit gladnie uitgesluit dat
dit nog die grootste universiteit in
ons land kan word nie. Hierdie ont-
wikkeling kan veral verwag word
indien Stellenbosch hom daarop toe-
lê om leergange wat nader staan
aan die praktiese beroepslewe, soos
ingenieurswese, en handelswetenskap-
pe, tot die volste mate te eksploiteer.
'n Noodwendige korollaar van bo-
staande tendens is natuurlik dat die
gesag en aansien waarmee die uni-
versiteit se optrede na buite ge-
moeid is, groteliks sal uitbrei. Om
dié rede is dit nodig dat ons enkele
punte wat met hierdie toestand van
sake in verband staan, deeglik onder-
oë sien.
Eensyds is Stellenbosch se groot
getalle tot op 'n sekere hoogte juis
'n waarborg dat Afrikanerbeginsels
in 'n veel breër kring ingedra en
gepropageer word. Maar vir enigeen
wat in die afgelope dekade van die
fenomenale uitbreiding op Stellen-
bosch dieper gekyk het as net hierdie
oppervlakkige waarneming, is dit
duidelik dat die getalsuitbreiding
pari passu vergesel is van 'n ver-
swakking van juis daardie ideale wat
ons nou op so 'n groter skaal kan
uitleef en op akademiese wyse aan
'n minderbevoorregte Afrikaanse pu-
bliek kan voorhou.
Groepvorming en geestelike ver-
warrings is vandag die hoofkenmerke
van die studentelewe van Stellen-
bosch. Binne die A.N.S. het ons nog
altdy 'n uitgelese kring studente
gehad wat in die regte rigting ge-
voel en gedink het. Hierdie mense
is egter heeltemal verswel in die
altdy breër wordende stroom van
studente wat koud en gevoelloos
staan teenoor daardie dinge wat Stel-
lénbosch gebring het tot die hoogte-
punt wat hy vandag bereik het.
Hierdie groot aantal „toeskouers”
het o.a. veral in die monstervergade-
rings, koshuisvergaderings, e.d.m.'n
heeltemal onbepaalbare element ge-
vorm. Omdat hulle nie self op 'n
uitgesproke beginselsgrondslag ge-
staan het nie, kon hulle heen en weer
beweeg word volgens die grille en
massa-psigologie wat by een of an-
der tydstep die deurslag gee.
Dit spreek vanself dat so 'n toe-
stand 'n baie goeie aanknopingspunt
vir die Afrikaner-liberalisme wat so
'n eienaardige voorliefde vir Stellen-
bosch aan die dag lê, aanbied. Deur
'n beroep te doen op die idees van
akademiese denkvryheid, e.d.m., is 'n
handjievol liberaliste in staat om groot
monstervergaderings te domineer
met behulp van hierdie deurslagge-
wende „floating vote.”
Die wrange vrugte van hierdie ge-
talleoormag en beginselmiskennening
is te veel in die afgelope jare by
groot studente-toetsake gesien om
nog in besonderhede daarop in te
gaan. Dit is genoeg as ons net daar-
op wys dat die posisie totaal anders
is volgens die getuienis van studente
aan Afrikaanse inrigtings soos U.K.-
O.V.S. en Potchefstroom. Deurdad
dié inrigtings kleiner is (die twee
saam is maar ongeveer 'n derde van
die Stellenbosse studentetal) kan
hulle beslis en eendragtig optree.
Iets soos groepvorming en liberalis-

Die Oorlog
IV.—Rusland.

„De Waereldgeschiedenis is 't
Waereldgericht.
Vergelding, de wet der Historie.”
— Ten Kate.

RUSLAND

Na die Japanse oorwinning in die
slag van Java en die besetting van
Rangoon, het daar in die Verre
Ooste gedurende die afgelope week
geen sensasionele oorlogsgebeurtenis-
se plaasgevind nie. Dit moet waar-
skynlik toegeskryf word aan 'n be-
hoefte by die Japanners om eers
hulle posisie in die nuwe stellings
te konsolideer en te versterk voor
'n nuwe sprong gewaag word. Ook
van Anglo-Amerikaanse kant laat 'n
grootskaalse teenoffensief, waarvoor
daar so baie gepraat word, nog altdy
op hom wag. Intussen kan daar van
stilstand in die oorlogsvoering geen
sprake wees nie. Japanse landings in
Nt Guinea is 'n regstreekse bedrei-

Van die Russiese front kom daar
nog altdy rooskleurige berigte oor
die suksesvolle offensief van die Rooi
leërs, oor ongenoemde plekke wat
deur die Russe herower sou wees,
oor groot getalle gesneuweldes van
die Spil, ens. Die Russe beskik oor
korter verbindings- en toevoerlinies
en bekendheid met die terrein en kli-
maat. Ook het die land agter die
Russiese linies bepaald nie so veel
deur die oorlog gely, en is dus meer
bruikbaar vir die oorlogsvoering, as
die verwoeste gebied agter die Duitse
linies nie. Dit alles is groot voordele
en volgens die Russiese berigte sou
dit dan ook met die Duitsers maar
sleg gaan en sou die sogenaamde
lente-offensief van die Spil maar net
grootpraterij van die Duitsers wees.
Dit is egter snaaks dat die Russiese

Deur Prof. J. A. Wiid

ging vir Australië en die Japanners
se vordering in Birma vergroot nie
die veiligheid van Indië nie. Dit word
deur die Anglo-Amerikaanse bond-
genote wel deeglik besef. Vandaar
die landing van Amerikaanse stryd-
magte in Australië, die benoeming
van die Amerikaanse generaal, Mac-
Arthur, as bevelvoerder in Australië,
en die sending na Indië van Cripps,
die man was in Engeland vandag
meer publisiteit as selfs die Eerste-
minister geniet. Die toekoms sal
moet bewys of Amerikaanse hulp-
verlening groot genoeg is om Aus-
tralië te beveilig en of Cripps daarin
sal slaag om die massas van Indië
geestdriftig vir die oorlog teen Japan
te maak.

berigte omtrent nooit melding van
Duitse gevangenes en gewondes
maak nie. Ook het ons nog altdy
nie verneem dat die sleutelpunte van
die Duitse winterlinie vanaf Schlus-
selburg in die noorde tot by Tagan-
rog en die Krim in die suide reeds
deur die Russe herower is nie. Die
jaar 1942 sal waarskynlik 'n beslis-
sende wending aan die oorlog in Rus-
land bring. Dit sal bewys moet word
dat 'n Russiese veldtog vir 'n Adolf
Hitler soortgelyke resultate as vir
'n Napoleon sal lewer. Intussen sal
dit verstandig wees om ook ag te
gee aan die woorde van Russiese
leiers soos Stalin en Litvinov wan-
neer hul by hulle bondgenote aan-
dring op die stigting van nuwe oor-
logsfronte teen die Duitsers. Miskien
sal Amerika en Brittanje ook eers-
daags by Rusland aandrang op die
skepping van 'n nuwe front teen
Japan.

ANDER OORLOGSFRONTE

Aan die ander fronte het daar ge-
durende die afgelope week nie veel
nuuts voorgekom nie. In Noord-
Afrika is die oorlogsvoering tot ver-
kenningsbedrywighede en lugaanvalle
beperk. Die Britse steunpunt Malta
word nog steeds heftig uit die lug
bestook. Die duikbootoorlog is erg
bedrywig, veral langs die oostelike
kus van Amerika, en dit sal onver-
standig wees om die gevaar van die
duikboot vir die Brits-Amerikaanse
skeepvaart te onderskat.

'N TWEDE FRONT

Dit is 'n baie ou oorlogstaktiek
om die vyand te probeer omsingel,
d.w.s. nuwe oorlogsfronte skep en
sy mag versnipper. As 'n land self
nie sterk genoeg is om hierdie om-
singelingstaktiek uit te voer nie, dan
moet hy bondgenote vind om hom
daarmee te help, om nuwe fronte
teen die vyand te skep. Dit was
dan ook die eeue-oue taktiek van
Brittanje, die s.g. magsewewig-tak-
tiek, om die vyand te isoleer, te om-
singel en nuwe aanvalsmoontlikhede
teen hom in die lewe te roep. Brit-
tanje is in hierdie taktiek besonders
deur sy geografiese eiland-ligging en
sy sterk vloot begunstig.

tiese beïnvloeding is vooraf reeds
uitgesluit. Dit verklaar dan die
sterk stem waarmee hierdie inrig-
tings hulle in die volkslewe laat hoor.

Twee oplossings vir die Stellen-
bosse dilemma wil ons aan die hand
doen. Eerstens moet afgesien word
van daardie verkeerde opvatting dat
universiteitslesings 'n soort van af-
getrokke neutraliteit aan die dag moet
lê. Dit is die plig van dosente om
hulle studente terdeë op hoogte te
stel wat die Afrikanerstandpunt teen-
oor volksvraagstukke is. Laasge-
noemde standpunt sal in hierdie dae
van geestesverwarring en nuwe or-
des nogal nie te maklik omskryf kan
word nie. Maar een feit is duidelik:
'n liberalistiese wetenskaplike uitkyk
is vir die Afrikaner 'n heeltemal
vreemde en onsuiver lewenshouding.
Daarvoor is hy te sterk onder Cal-
vinistiese invloed.

In die huidige oorlog wou hierdie
ou Britse taktiek nie so goed werk
nie. Die skepping van meer as een
gelyktydige front teen Duistland en
Italië het hierdie keer nog geen be-
slissende sukses gehad nie. Ook in
die oorlog teen die Japanners het
hierdie taktiek tot dusver nie te goed
geslaag nie. Net soos in Europa en
gedeeltelik ook in Afrika was dit in
Asië gewoonlik nie Brittanje en sy
bondgenote wat die inisiatief in die
hand gehad het nie. Die oorsaak van
hierdie toestand van sake saam met
die lang reeks van nederlae moet in
die eerste plek nie in Amateuriëse
oorlogsvoering gesoek word nie,
maar in die veranderde geografiese
en strategiese faktore van die twin-
tigste eeu.

Die tweede oplossing is dat die
Stellenbosse student sy gewig moet
inwerp by die enigste organisasie in
Stellenbosch wat plaaslik sowel as
in die breër volkslewe aangeskryf
staan as die liggaam wat liberalisme
met wortel en tak wil uitroei, nl. die
A.N.S. Met die saamskakeling van
die A.N.S. en die O.B. word hierdie
taakstelling steeds nader aan sy suk-
sesvolle volvoering gebring.

Die volgende keer meer hieroor.

LAAT BERIG.

Op spesiale versoek word die
rolprent wat van die Reddingsdaad-
week hier geneem is, ook môreand
deur Raro vertoon.

„Ex Libris”

Ds. T. N. Hanekom.

Monstervergadering teen Geldafpersers

Neh. 5:1-6-7. — „En daar het 'n groot geroep van die volk en van hulle vroue ontstaan teen hulle broers, die Jode... En ek was baie ontroerd toe ek hulle geroep en woorde hoor... En ek het 'n groot vergadering teen hulle belê.”

Sovêr het ons stil gestaan by die voorbereidingswerk van die profeet Nehemia, hoe hy gebid en gewerk het om weer sy volk te herstel, maar vandag gaan ons oor tot die eerste stap van volkshervorming — 'n monstervergadering teen geldspekulante en woekeraars. Die hulpgeroep van die arme het hom diep ontroer en dit was waarlik bemoedigend om te weet dat daar 'n leier in die land opgestaan het wat nog 'n ope oor en 'n gevoelige hart vir die nood van sy volk het. Die groot meerderheid van sogenaamde „edeles” was ryk en verryk en het woekerswins gemaak met die nood van die arme. Hoë rente en onbepaalde voorregte het hulle geëis as beloning vir die „hulp” wat hulle aan die arme verleen het. Die ergste van alles was nog dat hulle ook daarby die erkenning van die arme afgepers het, dat hulle verdrukkers hul weldoeners is, en dat die groot geldskieters van die land die beste en mees gesiene landsburgers is. Hulle geldwoekery was dus nasiediens, en die arme in sy nood moes dit erken en sy dankbaarheid by die eerste verkiesing bewys, of anders word sy rente verhoog of sy lening opgesê.

Nehemia het gekom om hierdie wrede woekerspel te ontmasker en het op 'n groot monstervergadering sy besware gelug en hierdie mense by hulle regte naam genoem; hulle was nie volksleiers en -weldoeners nie, maar volksverraaiers en volksverwoesters — afpersers en woekeraars!

Wanneer ek hierdie dinge neerskryf, skryf ek die geskiedenis van my eie volk. Toe ons vryheid verlore was en die nood in die land groot geword het, toe het die gekerm van die arme ook harder geword. Maar nog erger as sy armoede en sy leed, was die soort „hulp” wat aan hom verleen is. Sy vryheid en sy siel moes hy verpand en verkoop vir daardie „hulp,” en hy moes sy dankbaarheid bewys vir die daad waarmee hy verneder was. Só, en op geen ander wyse, het 'n groot deel van ons boere nasie sy besittinge, sy eer en sy siel verloor. Die „hulp” wat hulle gekry het, het van hulle „armblankes” gemaak en dan word daar geklae dat hulle nie dankbaar genoeg is nie.

By Nehemia tref ons 'n paar gedagtes aan wat ook vir ons tot leidraad kan dien. In die eerste plek moet ons vir die arme leer dat werk 'n eer, ja 'n roeping van God is. Daar is geen „kafferwerk” nie! „Ses dae moet jy werk”, so lui die Godsbevel. Maar dan moet ons daarby sorgdra dat die arme 'n werkgeleentheid het. Werkloosheid ontneem aan die arme die grootste voorreg van sy lewe en die enigste middel om in sy nood te voorsien. Hierdie groot land van ons kan tog seker aan al sy burgers werkruimte verskaf om hulle kragte te ontwikkel en die lewe uit te bou. Maar as ons heeldag-deur vir die arme preek dat hy moet wek en ook sorg dra dat daar werk genoeg is, dan moet ons ook waak teen die uitbuiting van die arme en toesiendat die winste van sy werk nie weggewoek word na vreemde sakke nie. „Die werker is sy loon wêrd,” so sê die Here en elke volksleier moet hierdie Godsbevel voorskryf en toepas vir die geldskieters en woekeraar en afperser. Dan sal daar 'n

Verklaring van A.K.G.

Strewe na Volkseenheidstaat

'n Boodskap van Ass. Kom.-Gen. Smith wat deur siekte verhinder was om die A.N.S.-O.B.-Openingsvergadering by te woon, is deur Hoofgen. van Zyl aan die vergadering voorgelees. Die tweede deel van die boodskap word hier volledig geplaas.

Geagte Afrikaners, die stryd waarin die Afrikanervolk betrokke is, is een van vrywording of ondergang. Dit is nie alleen 'n binnelandse stryd nie maar ook 'n buitelandse. Die welslae hiervan hang nêr so nou saam met die ontwikkelinge in die buiteland as in die binneland. U staan nie alleen in die stryd gewikkel teenoor die regerende party in ons land nie, maar ook teenoor die Empire-idee, teenoor die liberalistiese demokratiese lande buite Suid-Afrika. U staan in die stryd gewikkel van die ou wêreldorde van oorheersing deur verbrokkeling en verlamming van alle nasionale aspirasies. Ja, u staan in die stryd gewikkel vir die nuwe wêreldorde waarin u lewens-ruimte soek vir die Afrikanerdom en vir die Afrikanerjeug.

Die wêreld het in die afgelope eeu gebuk gegaan onder 'n dwinglandy met die skyn van vryheid, individueel en nasionaal. Die vrugte van hierdie ou wêreldorde pluk u vandag in verdeeldheid en verwarring. U lê offers op die altare van vreemde nasies. U voer uit die wil van bewindvoerders van oorsee en van lande met wie u geen kulturele bande het nie. U land word vandag gemaak tot die slagveld van nasies wat u nie geken het nie. U seuns en u goed word geoffer in 'n stryd teen 'n wêreldhervorming. Die Ossewabrandwag is die ontwaakte Afrikanerdom wat in daad wil meedoen aan 'n wêreldomwenteling. Die Ossewabrandwag is 'n volksbeweging wat alle Afrikanerkrigte wil saamsnoer in die groot stryd vir 'n geestelike en staatkundige vrywording van die Afrikanerdom. Hierdie stryd het nou 'n nuwe fase ingetree en die wêreld is nou om definitief te kies teen die ou orde van partyoorheersing, uitbuiting deur die geldmagte, bewerkstelling van onderlinge groepstuwte en volksverbrokkeling. Aan die een kant sien u tot watter lae peil die politieke lewe onder die partyparlementêre stelsel kan daal, hoe die sedelike welsyn van 'n volk, hoe sy karakter ondermyn en besoeidel kan word, hoe die welmenendheid en eerbaarheid van mede-volksgenote verkrag en uitgebuit kan word. U sien hoe die beloning nie meer op deug, eerbaarheid en trou berus nie, maar in die beskinding, vernedering en besoeiding van die naam van ander. U sien hoe daar in die partystelsel heengestap word oor alles wat eerbaar is, hoe volksede verbreek word, hoe waarheid en reg onder die voete vertrap word en oorwinning gesoek word in die beswaddering van mede-Afrikaners. U sien ook hoe eie belang met die steun van geld, bo volksbelang gestel word.

Die eerste fase van die stryd wat ons nou intree, is van 'n etiese aard. Dit is vir u om nou te kies tussen eerbaarheid, eerlikheid en skone volkskarakter aan die een kant, oneerbaarheid, oneerlikheid en besoeidelike volkskarakter aan die ander kant.

Die Ossewabrandwag veg vir 'n nuwe volkseenheid-staat, gegrondves Vervolg op bls. 4, kol 2.

groot gejuig opgaan in die land en die arme sal die Here dank en uit pure dankbaarheid sy hande uit die moue steek om te werk. Op die werkakker, nie by die stembus nie, sal daad van dankbaarheid spreek van nuwe hoop en nuwe krag, want die werker sal sy loon verdien en behou!

Onder Onsies

Na 'n uiters geslaagde musiekkonsert, het Niedzielski verlede Donderdagaand, Greylock vereer, deur saam met die Conservatorium staf daar te gaan tee drink.

* * *

Vrydag, 20 Maart geskied daar in die Groot Kerk, Kaapstad 'n dubbele huwelik van vier oud Maties, nl. van ds. Frans Geldenhuys en mej. Netta Naudé, en mnr. Reep Verloren van Themaat en mej. Stella Naudé.

* * *

Verlede Donderdagaand het die eerstejaars van Huis-de-Villiers die inwoners van die koshuis Vegas op 'n konsert en daarna het almal gesellig buitekant byeengekom vir aandete. Onder die gaste was opgemerk— die Huiskomitee van Wilgenhof, ds. en mevr. Louw, dr. en mevr. E. C. Pienaar, prof. en mev. Stegmann, mnr. en mevr. Enslin, en mnr. en mevr. Dekker.

* * *

Mej. Erna Arnold word heel dikwels gedurende die naweke hier op Stellenbosch opgemerk. Dit is heel waarskynlik dat hier 'n sterk aantrekkingskrag is.

* * *

Nadat mej. Eve Young haar studies voltooi het, het sy na Johannesburg vertrek.

* * *

Mej. Marie Heyns, tans onderwyseres op Pietermaritzburg laat weet groete aan alle vriende en vriendinne agtergelaat op Matieland.

* * *

Monica het verlede naweek besoek ontvang van Alida de Villiers, Lydia de Villiers en Ruth Kotze—almal oud Monikaners.

* * *

Mej. Wanda Maarskalk wat as gevolg van 'n ongeluk, tans in die hospitaal verkeer, maak goeie vordering.

* * *

„Sonop” roem daarop dat daar vanjaar drie „Sonoppers” op die S.V.R. dien, nl. Mejj. Barlo Retief, Hettie Lubbe en mnr. Wicus Badenhorst.

* * *

Mnr. Eddie Anderssen het verlede jaar tydens Juniorvoorbereidings 'n sambreel waarop sy naam op uitgekrap is by iemand gelaat. Die persoon het hom later daarvan verwittig maar mnr. Anderssen het vergeet wie dit is. As iemand sy sambreel het of weet waar dit is sal mnr. Anderssen dit hoog opprys stel as die persoon hom daarvan in kennis sal stel.

Nuwe Rekord

Verlede jaar se hoogtepunt wat studentetal betref, n.l. 2,034 by die sluiting van die Universiteit, word oortref deur 'n nuwe rekord wat nou reeds op 2,054 staan. In die loop van die jaar kom gewoonlik nog heelwat by.

Studente!

Wees ekonomies en gaan versigtig te werk.

Laat

J. B. COETZEE

u volgende pak klere of kleurbadje maak.

AGENT VIR NANNUCCI DROOG SKOONMAKERS.

Andringastraat.

JOERNALISTE (dame) BENODIG

Deeglike kennis van Engels en Afrikaans.

Snelskryf nie 'n vereiste nie.

DIE LANDMAN, C.S.V.-gebou, STELLENBOSCH.

Dames dis u plig om u hare by die

DAMES HAREVERSORGING-SALON

te laat versorg.

U voorkoms is hoofsaak.

U onderskeiding by ons versker die vordering van die Afrikaanse ondernemingsgees en versorg werk vir die Afrikaner dogter.

Ons pryse is na u smaak.

Dagbreek-Dames-Hareversorgingsalon

Langmarksstraat 141, KAAPSTAD.

(Grondvloer).

Skakel 2-5662.

„Die Uitspan”

Heet alle studente hartlik welkom op Stellenbosch!

Kom geniet seker 'n koppie van ons

Spesiale „Uitspan-Gesondheidsdrank,”

tee, koffie of melkdrank, en maak beter kennis met

„Die Uitspan”

Kotzé

DIE Kleremaker EN Uitruster VAN KAAPSTAD



Is een van die eerste Afrikaner Besighede in ons Moederstad geopen

Hy gee Bevestiging en gee 'n Spesiale Afslag aan Studente

Adderleystraat 134 — KAAPSTAD

Rook Springbok-Sigarette

Die Landbou-toer

Die toer vind plaas in die April-Mei vakansie. Die studente beoog besoeke aan 3 Landboukolleges, Universiteit van Pretoria, Proefplase in Pretoria, Onderstepoort Veeartseny-kollege, Vroeë-oggend-markte op Bloemfontein, Johannesburg en Pretoria en interessante en historiese plekke in Bloemfontein, Pretoria en Johannesburg.

Die eerste besoek na die vertrek van Stellenbosch is aan Grootfontein Landboukollege, waar ons een dag sal gebruik om die vee, o.a. swaarperde, beeste, vet skape en merinos, die akkerbou-werk, die besproeiingsproewe met lusern, ens. te besigtig.

Daarvandaan gaan ons na Bloemfontein waar ons die vroeë-oggend-mark besoek en die Bosbou Departement stasie. Ook die stad en die Vrouemonument en museum. Dan is ons vir die naweek die gaste van die Kollege waar ons die Fries- en Afrikaanse beeste, swaarperde, merino skape, die sentrale eierlêwedyd, pluimvee, akkerbou en vrugte afdelings en proewe, ens., sal besoek.

Maandagoggend kom ons in Pretoria aan waar ons vir 5 dae die gaste van die Universiteit sal wees. Hier besoek ons die mark, universiteits-proefplaas met o.a. beeste en skaaprasse, weidingproewe, die teelwerk om nuwere gewassoorte tot stand te bring, ens. Ook sal ons die grasproefplase van Prins Hof en Rietondale besoek, die Meteorologie afdeling, Bosboudepartement, Uniegebou, waar ons deur die Minister van Landbou of Sekretaris sal verwelkom word. Ons sal 'n dag in Johannesburg deurbring en die vroeë-oggend-mark, die vleismark en die „Cold Storage” besoek, asook die „Golden City.” 'n Dag om die interessante Veeartsenykollege te Onderstepoort te sien. Ook is daar ander historiese plekke te sien o.a. Oom Paul se huis, die museum en kerk.

Vrydagaand vertrek ons na Potchefstroom-Kollege, waar ons die hele Saterdag gebruik om beeste, vet skape, akkerbou- en teelproewe om nuwe gewassoorte tot stand te bring, vrugteboorde, pluimvee, ens., te sien. Hier, soos ook by al die ander kolleges sal ons gronderosie bestudeer.

GEVRA

50,000 Afrikaners wat graag hul eie tabak wil rook en wat hul handelaar om „PATRIOT” sal vra.

Voorbrand Tabakmaatskappy

(Edms.) Bpk.,

Kommissaris-Straat 200,

JOHANNESBURG.

DIT IS HIER

Die eerste speelprent van
R. A. R. O.

„NEWELS OOR MONT-AUX-SOURCES.”

'n Spannende Kleurprent met 'n Sprankelende voorprogram waaronder die volgende

„IN STELLENBOSCH BLOEI WEER DIE BOME.”

(Hier plaaslik vervaardig deur die RARO-tak)

„SWATLAND SE GOUD.”

„KASKENADE OP 'N KERKHOF” e.a.

Die skoonheid van Eie Bodem vertolk deur Eie Fotograawe wat die Siel van die Afrikaanse Veld verstaan.

Vrydag, 20 Maart,

om 7.30 n.m., in

C.S.V.-SAAL.

(Toegang 1/3 vir Studente)

FINALE SLUITINGSDATUM van A.N.S. en O.B. is DINSDAG Skryf in voor die tyd

Vervolg van bls. 3.

op die nasionaal-Christelike idee; vir 'n staat wat vry sal wees van party-oorwegings en -vooroordele; 'n staat wat geen partystelsel sal erken nie, maar alleen die volkswil en die volksideale; 'n staat waarin die geldmag as heersende euwel aan bande gelê en gedwing sal word tot nasiediens; 'n staat waarin elke man en vrou sy regmatike lewensaandeel sal hê; 'n staat waarin die vryheid van Godsdienst aanvaar word en die Godsdienstige en sedelike lewe van die Afrikanerdom teen ondermynende praktieke beskerm word; waarin daar doeltreffende beheer oor die pers, die radio, die rolprent en die vermaaklikheidsbedryf uitgeoefen sal word met die oog op die opbouing van 'n gesonde en skeppende volksgees; 'n staat waarin die arbeidskrag van die volk versterk en beskerm sal word teen kapitalistiese uitbuiting; waarin privaat inisiatief binne die volksverband aangewakker en beskerm sal word teen die georganiseerde geldmag; waarin 'n gesonde gesinslewe as die grondslag van die hele volksbestaan opgebou en aangemoedig sal word tot welsyn van volk en vaderland.

Dit is in hierdie stryd dat ons 'n oproep doen tot die jeug van Suid-Afrika om hul deel in woord en daad by te dra tot die sukses van die omwenteling in die volksgees sowel as in die staat en die wêreld. Suid-Afrika roep u, studente; u voorgeslag roep u. Wees standvastig en sterk in die stryd.

Om u die geleentheid te gee om daadwerklik deel te neem in hierdie rewolusie teen die ou orde, bied die Ossewabrandwag u aan 'n plek in sy gelede, want hy het nodig elke krag. Daarom is daar in die gewysigde konstitusie van die O.B. voorsiening gemaak vir die inskakeling van alle beskikbare kragte en word daar ten opsigte van die volksbeleid en volksaksie voorsiening gemaak in die verskillende afdelings verbonde aan die sentrale gesag van die Ossewabrandwag. Daarom is daar besluit deur die officierslaer tot die uitbouing van die Ossewabrandwag tot 'n omvattende Afrikaanse volksbeweging wat meer as 'n party sal wees en wat leiding in die omwenteling moet gee en uitloop op 'n nuwe organiese solidarisme. Hierdeur dek hierdie volksbeweging die breë terreine van die volkslewe en strewende. Die ondervertakkings van hierdie breë organisasie, onder leiding van deskundiges word eersdaag aangekondig, en sal u die geleentheid gee om ook daarin u geestelike krag aan die volksbelang te wy net soos u dit nou doen in u kommando-in-delings.

U leuse moet wees: DIENS EN
PLIG VIR GOD, VOLK EN VADERLAND.

APTEKERS

Ons bied u deskundige bediening en betroubare medisyne aan. Deskundige Fotografiese Handelaars.

Maak gebruik van ons
Vlugge Fotografiese
Posdiens.

JOERNING EN SEUN

(Eiens) Bpk.

Hoek Bird- en Pleinstraat,
STELLENBOSCH.

Puik Sanguitvoering

Verlede Woensdagaand, by geleentheid van die eerste vergadering van die Musiekvereniging het mev. Hugo, die bekende liriese sopraan 'n uitvoering van Volksliedere en twee arias uit Johan Strauss se operette „Die Fledermaus,” gegee. Die nummers is toegelig deur dr. C. G. S. de Villiers, en die begeleidster was mej. Joan van Niekerk. Mev. Hugo het, soos altyd, die geesdriftige gehoor bekoor met haar sang. (Die opkoms kon beter gewees het).

Daarna is 'n kort besigheidsvergadering gehou en die nuwe bestuur vir 1942 is as volg gekies:

Voorsitter: mnr. Frits Stegmann; Ondervoorsitter: mej. Petro Smit; Sekretaris: mnr. Hubert du Plessis; Tesourier: mnr. Andy Rabé; Add. lid: mnr. Stefaan du Toit.

Inskrywings (1/6) vir die Musiekvereniging geskied by bogenoemde persone.

Donderdagaand, 26 Maart, gee mev. Lilli Kraus 'n lesing-uitvoering: „Die kuns van Gemaklike Sang, toegelig met Weense liederen.” Die toegang sal wees 1/6. Plekbespreking by C.S.V. gebou. Ons vertrou op u ondersteuning vir hierdie konsert.

Die U.S. Professionele (All in) Stoeiklub

Die Stoeiklub wat verlede jaar onder taamlike ongunstige omstandighede gestig is, het besluit om vanjaar weer sy bedrywighede voort te sit. Dit is besonder verblydend om te sien dat daar hierdie jaar onder ons studente 'n groter entoesiasme bestaan vir hierdie gewilde Afrikaanse Sportsoort. Dit het dan ook ten gevolge gehad, dat die ledetal van die klub aansienlik uitgebrei het.

Verlede jaar is die Amateur Stoeiklub deur ons bestuur genader i.v.m. nouer samewerking. Hierin het ons egter nie veel sukses gehad nie. Ons meen egter dat daar hierdie jaar 'n beter verhouding tussen die twee klubs sal bestaan en daar sal dan ook van ons kant getrag word om nouer samewerking te bewerkstellig.

NUWE KAPTEIN

Mnr. H. C. L. Heinen, ons kaptein van van verlede jaar, het ons weens omstandighede verlaat, en mnr. Jack Steyn is deur 'n bestuursvergadering in sy plek aangestel. Mnr. Steyn tree ook hierdie jaar op as afrigter van die klub. Hy was vir drie jaar lank 'n leerling van Bull Hefer en daar kan geen twyfel bestaan dat hy hom besonder goed van sy taak sal kwyt nie. Ook het mnr. D. G. Conradie sy hulp aangebied i.v.m. die afrigting.

Met hierdie vooruitsigte gaan die Professionele Stoeiklub dan die nuwe jaar tegemoet.

Veelbelowende Boksspan

Op die algemene vergadering van die boksklub, is die volgende bestuur gekies:—

Pres.: S. C. Harvey.

Kapt.: C. C. Heunis.

Onder Kapt.: I. van Z. Marais.

Sek. en Tes.: A. G. van Wyk.

Addisionele lede: C. J. Louw en M. J. van Tonder.

Ere lede: Dr. E. T. Stegmann en Mnr. J. W. Postma.

Met uitsondering van Jan de Kock wat by die weermag aangesluit het, is al die lede van verlede jaar se span weer terug. Die span beskik dus nog oor die dienste van C. Heunis, C. J. Louw, Coetzee, M. v. Tonder, A. G. van Wyk en ander goeie bokkers.

Isak Marais, die oud-kaptein en liggewig kampioen van die Maties, is ook weer terug. Sy terugkoms is veral baie welkom, omdat hy ook uitstekende dienste as afrigter sal kan bewys, daar die Maties vanjaar nie oor 'n geskikte breier beskik nie. Visser, ook 'n oud-liggewig van die Universiteit is ook weer terug.

Daar het 'n groot aantal nuwe lede by die klub aangesluit, en veral swaargewigte van wie veel verwag word, o.a. Barnard, Erasmus en A. du Plooy. Dit skyn egter of daar weer 'n leemte in die vlieggewig-afdeling gaan wees.

Met hierdie materiaal tot hulle beskikking kan daar somer groot dinge van die Matiebokkers vanjaar verwag word.

Die klub begin aanstaande week sy oefeninge.

Hokkie-vooruitsigte Vir Vanjaar

Die vooruitsigte vir die jaar is bevredigend. Die eerspan het meeste van sy spelers van verlede jaar behou. Alleen Roelofse en Garlick het vertrek. Die gevoeligste verlies is die van Garlick op die regterleuel, omdat sy plek skynbaar nie met soveel sukses kan gevul word nie. Daar is egter nie gebrek aan belowende spelers in die klub nie. Daar sal ook nog veel gehoor word van ou staatmakers soos Frans Smuts, Douglas Hey en oom Jannie Moolman, hoewel hul werk hul nie toelaat om op die bestuur te dien nie.

Ook die gebrek aan breiers sal waarskynlik nie vanjaar 'n moeilikheid wees nie.

Ons verneem ook dat daar belowende spelers onder die nuweling op Stellenbosch is.

Meer wedstryde met die Platte-land, veral vir die laer spanne, en 'n senior toer is in die vooruitsig.

Die eerste algemene oefening sal op die allerlaatste op die 23e Maart wees, aangesien 'n wedstryd met Vis-hoek, en miskien nog 'n klub, op die 28e in vooruitsig is.

DIE PÉRELSE STOOMWASSERY

Kom laat die Firma wat
die Beste dienste lewer u ook
bedien.

Eienaar:

Mnr. W. Marsh.